


# Gehigarria



Euskal Kultur  
Erakundearen  
laguntzaz egindako  
gehigarria

## Bardako ametsa

**Aurten 75 urte bete ditu Larrungo trenbideak. Orduko bertsuak dira. Harrigarria baldin bada ere, hor finkatzen dira Sara herriko bi diru iturri nasaiak, ugariak: Larrungo trenbidea eta Lezeak.**

Airea: Kattalin, ttuku ttuku.

Kattin **SOUDRE IRIARTE**ren ahotik, bere amari ikasiak.

- |   |  |
|---|--|
| 1 Larrunen arratsaldian izatu ondoan<br>Ametsetan ibili naiz, han bertze munduan<br>Gauaz lo nagolarik deskantsu onean<br>Ametsetan zeruan eta infernuan.     | 5 Gero lezeaz ere nakote mintzatu<br>Kanpotarra nola den horrat abiatu<br>Jaun kastillak duela guzia beretu<br>Ustez hor behar duen orai aberastu.             |
| 2 Solasean egon naiz han saratarrekin<br>Aspaldi harat juanak ziren arimekin.<br>Atsegin zuten ni han ikustearrekin<br>Denek nahiz hemengo berriak han jakin. | 6 Erran diotet horrat otomobiletan<br>Heldu dela jendea egun beroetan<br>Ongi goxo baita bai leze barne hortan<br>Berotzen duelarik bertze tokietan.           |
| 3 Erran diotet nola laister izanen den<br>Burdin bide berri bat egina Larrunen<br>Mendian gora dela karrosa iganen<br>Zaldirik gabe denak airos eremanen.     | 7 Suzko karrusa hura, zer zen ez zakiten<br>Holakorik ez baitzen ez lehen ikusten<br>Denak nere berriek zituzten harrizten<br>Ikusteaz mundua hola kanbiatzen. |
| 4 Kontrabandistak, guardak bai eta artzainak<br>Loriatuak hemen dagotzila denak<br>Larrungo karrosa ikusi nahiak<br>Hortan egiteko hor beren itzuliak.        | 8 Hortan akabatu da nere amets ona<br>Airoski ibilirik edoietan barna<br>Zaldi ta karrosarik izan ez diona<br>Ibil dadila hola ahalik maizena.                 |

## Egurra nuen Tonbako errekan

**Sara usoteiko errekeri tonbako erreka ditzen zaio. Egur lotak toki hortan egitea, beldurgarria dela erran daiteke.**

**Bertsu gehiago ere badira. Dakizkienak helaraz ditzala.**


- Egurra nuen tonbako errekan  
Gosta zitzaidan haren emaitza orgetan  
Urka ere hautsi nuen errekan  
Sokaz loturik ekarri nuen errestan.
- Neure egurra haltza eta haitza zen  
Gosta zitzaidan karga eskurat ekartzen  
Barnetik ere oinutz triste bainitzen  
Andrea penetan ustez oihanean hil nitzen.
- Laguna nuen Lekunberriko Piarres  
...  
Haren andrea urrats guzian negarrez  
Non ote zuen bere maitea Piarres.

## Urki zelaiko punta

**Sarako bestetako usaia zen zikiroa jatea. Urte hartan artzain batek bat eskaini zuen, bainan hara nun bere auzokoari ere bat faltatzen zaion. Elgar atxemaiten dira Larrungo mazelatan. "Errak, hik ebatsi nauk ardia...". Hona hemen bertsa.**

- Urki zelaiko punta Bautista haundia  
Amets bat eskuetan pikatu berria  
Aitortzen ez banakon han bertan egia  
Nik ebatsi niola bestako ardia  
Hautsitzten ninduela buruaren erdia.

**Duela 67 urte bete aitatxiri entzuna. Bertze hamar bat bertsu badira oraino. Dakizkienak helaraz ditzala. Ez zen kolpekarik izan, Sarako bestetako zikiroa ez baitzen ebatsia.**



Airea: Andre Madalen

Bergara, Ganizon  
«Txistuko» eskainia

## Oi eper zango gorria

- Oi eper zango gorria airean joailea propia  
Ez duzuia bada pena neuri hola ikustea  
Otoi otoi har nezazu utzirikan bertzea.
- Nunnahi joan dadin neure bihotza zurekin  
Plazerrikan ez dut hartzen neure lagun gazteekin  
Nun ez zaitudan zu ikusten zure begi ederrakin.

**1939 urte inguruan izanen zen. Ibarron eskolan entzun zituen bi errefuxiatu hola kantari: (Airea: Antero Txaparotian)**


- Francoren xaparrotian  
Queiporen bigotian  
Hoiek eman gaituzte preso ugarian

Franco batto, Hitler bestea, hirugarrena Queipo  
Horiek dira destinatuak hiruak infernurako  
La, la, la, la...

## Eri naiz bihotzetik

- Eria naiz bihotzetik zombait urte huntan  
Gauaz eta egunaz erreberrietan  
Erremediorikan ez botikarikan  
Negarrez urtzera noa pena xangrinetan.
- Partitzen baldin bazira maitea mundutik  
Ez zare aterako neure bihotzetik  
Laster hilen naizela ez daukat dudarik  
Bihotza urtzen ari zaut zure xangrinekin.
- Gauza izigarria bihotzeko mina  
Eta partikularzki amodio fina  
Gorputza ia galdua lanjerean arima  
Urrikal zaitetz nitaz oi ama birjina.
- Kantu hauk eman ditut neure buruari  
Zeren baitu bihotzean ainitz sofrikari  
Adio sekulako maite nuen hari  
Gorputza lurrera eta arima jainkoari.

BIDAXUN zenak  
emanak.  
Pettan ELORGAREN  
ama zenari eskainiak.



Frantxua  
FAGOAGA  
«Apeztei»

tan ibiltzen zituztela. Neskatxek behar zioten, jateko, zer-bait on prestatu mutikoeri, urteberri aratsaldeko, eta orduan libro ziren. Berdin Trufania bezperan, neskatxek gauza bera egiten zuten mutikoeri eta biharamunean aratsaldekoa mutikoek prestatua jaten zuten elgarrekin eta kitto!

## Urteko lehen hamabi egunak zotalak ziren

Gure aintzinekoen sinesmenen arabera, jakiteko zer eguraldi edo denbora egingen zuen urte osoan, urteko lehen 12 egunak "zotalak" ziren, erran nahi baitu suertearen arabera. Urteberri eguna nolakoa eta urtarrila halakoa, urtarrilaren 2a nolakoa eta Otsaila halakoa eta abar...

Zerbait, gure Urteberriko ohidura herrikoietaz erran behar eta, bakotxak bere norberaren arabera, ba luke segur hameka gogoeta desberdin egiteko. Neretzat iduritzen zaut, 2000 garren urtean sartzeko puntuan, denak ziuztan hain lasterrez eta abiadura haundian dohalarik gure mundu deitzen dugun "zibilizatu" huntan, "errokerietarat" (jende eta erresuma haundien konpetizio itsuak, batzuen diruaren nagusitasun neurrigabekoa, bertze ainitzen miseri etengabea eta abar...) ez erortzeko gehixago, beraz "errokeri" hoietarat, iduritzen zaut, behar dugula, so egin gibelerat eta berritz lotu gure erro edo sustraiak zuten, natural bizi-izerdiari. Hori: gure izpiritua lasaitzeko, bai eta nunbait, gizaki gisa, gure burua, mundu paregabeko huntan aurkitzeko.



1999. urteko Urtats gaua Oxtikenean.

## DIOS TE SALBE

**Hemen ezartzen ditugun koplak, Sanoki elkartekoek, herritarreri bildu ondoren, jazo Urteberriz, etxez etxe, kantatatu dituztenak dira. Oraino pentsatzen da bertze asko koplak balitezkeela askoren memorio xokotan. Otoi igor horiek Oxtikenerat. Plazer haundienarekin argitaratuko ditugu Ttipi-Ttapa aldizkarian.**

### Errepika

Dios te salbe ongi etorri  
Gau on Jainkoak diguela  
Gau on Jainkoak diguela eta  
Urte onean sar gaitzala.

Ibilki gara gau xori  
Urtetik urte xintxoki  
Aurten ere zuen alai garri  
Hemen gaitutzue Sanoki

Hauxe da usaia galtzen  
Dios te salbe kantatzen  
Nahi dugu piztu usaia hori  
Bertzeek segi dezaten.

(aintzineko bi koplak hauk Sanoki elkartekoek eginak dira, eta segidakoak popularak edo herrikoiak)

San Silbestrek igortzen gaitu  
Izar eder bat gidari  
Haren ohoretan ibil gaitzen  
Gau eder huntan kantari.

Etxe huntako etxeko andria  
Aitu omen da deneri  
Emanen duela mila libera  
Kantari heldu denari.

Dios te salbe bakalau jale  
Zazpi eta lau hameka  
Odolkirikan ez balinbada  
Ibual zaukula lukainka.

Ematekotan emazu  
Bertzenaz ezetz errazu  
Ate ondoan hotzat hiltzerat  
Amak ez gaitu bidaldu.

Pareta goiti sagua  
Haren ondotik gatua  
Etxe huntako monedarekin  
Ez diau beteko zakua.

Hiru ta hiru sei dira  
Bertze seiekin dotzena  
Helduen urteko nahi nuke jakin  
Haur ttipi horren izena.

Hasten naiz hasten kantatzen  
Urte berriaren laudatzen  
Etxe huntako nagusiari  
Lizentzuaren galdatzen.

Itsasoan eder xalanta  
Aintzin giblez balanta  
Etxe huntako etxeko andreak  
Ze bular arte xarmanta.

Errekaldean lizarra  
Zeru gainean izarra  
Etxe huntako etxeko jaunak  
Urre gorritz du bizarra.

Etxeko alaba arditia  
Ederra ta pollitia  
Eri bat ere senda liteke  
Zure begira jarrita.

Milesker eman duenari  
Eskerrak Jainko Jaunari  
Ats egin duzue gure moltsari  
Bihotzez urte on deneri.

